







御撰通鑑綱

目

編年之書奚啻數

十百

家而必以朱子通鑑綱

目為準通鑑綱目蓋祖

述春秋之義雖取裁於



御撰通鑑綱目三編序
編年之書奚啻數十百
家而必以朱子通鑑綱
目爲準通鑑綱目蓋祖
述春秋之義雖取裁於

司馬氏之書而明天統
正人紀昭監戒著幾微
得春秋大居正之意雖
司馬氏有不能窺其藩
籬者其他蓋不必指數

矣嘗謂讀書立言之士
論世爲難非如朱子具
格致誠正之功明治亂
興衰之故其於筆削鮮
有不任予奪之私失褒

貶之公者自綱目成而
義指正大條理精密後
儒有所依據踵而續之
由宋迄元釐然方策至
明代君臣事蹟編緝之

難更倍於諸書蓋明史
已成於百年之後而世
變風漓記載失實若復
遲待將何以繼續編而
示來許爰亟命儒臣法

朱子通鑑綱目義例增
損編摩大書以提要分
注以備言每一卷成呈
覽朕於幾暇亦時御丹
鉛爲之叅定雖於天人

一貫之精微未之能盡
而惟是謹嚴之義守而
弗失簡正之旨志而必
勉書旣成羣臣舉唐太
宗之事爲言勉從其請

而爲之序云

乾隆十一年夏四月朔

御製

乾隆四年八月初七日內閣奉

上諭編年紀事之體昉自春秋宋司馬光彙前代諸史爲資治通鑑年經月緯事實詳明朱子因之成通鑑綱目書法謹嚴得聖人褒貶是非之義後人續修宋元綱目上繼紫陽與正史紀傳相爲表裏便於檢閱洵不可少之書也今武英殿刊刻明史將次告竣應仿朱子義例編纂明紀綱目傳示來茲著開列滿漢大臣職名候朕酌派總裁官董率其事其慎簡儒臣以任分修及開館編輯事宜大學士詳議具奏特諭欽此

纂言讀是建德殿學兼書院學士等編纂

勅編次

御撰資治通鑑綱目三編告竣謹奉
表恭

進者竊惟屬辭比事教起於春秋繫月編年法沿於紀
載世綿千祀史閱百家宋溫國羅衆典以創鴻裁章
程大備子朱子括羣言以標定論體例彌嚴洎乎成
化諸儒續有宋元通鑑惟勝國興衰之迹在史官紀
述之司事雖具於編摩義未昭於筆削秉權衡而不
爽功之鉅者恒難垂典則於無窮道之明也有待欽
惟

皇帝陛下以

天亶之聰而遜敏有

日新之德而緝熙敦志經考典之功闡稽古右文之治

凝神乙夜縱覽千秋謂纂述相承莫精於綱目而典型真

在獨闕於有明宜遵曩哲之遺規用勒前朝之成迹

於是

親披汗簡

特秉鴻裁貫終始以立常經參異同而衡定案準平繩直

提綱則義極謹嚴縷析條分舉目則事期精覈衷之

正史汰臣僚飾美之詞證以羣編削野稗存疑之說

翦裁枝葉綜括綱維褒誅定而衮鉞施法戒明而丹

青炳揆以考亭之法則

聖合於賢登諸闕里之編則經尊於史昔者通史緝於梁

后徒侈辭華晉書斷自唐宗無關體要未有

乾心作範

膚式裁模昭懲惡勸善之方闡守經達權之教藻鏡開而

天地朗奉以無私璇衡正而古今平歸其有極信聖

人之述作極盛於茲蓋天下之文章莫大乎是臣等

叨陪綴緝預列參稽學史而未擅三長受經而漸窺

五體稟

訓言以成統貫多愧專門承

指授以悟淵微竊欣盛遇伏願

天文光被

淵鑒宏開布在鬻宮登之冊府踵麟編而高步藻耀六經
俯狐史而旁羅牢籠百氏乾坤不朽精華畢貫於羣
心日月齊懸軌度永垂於奕世謹將

御撰資治通鑑綱目釐為二十卷繕寫清本裝成兩函謹

奉

表恭

進以

聞

乾隆十二年四月二十七日大學士伯臣張廷玉

兵部右侍郎臣王會汾

日講官起居注翰林院侍講學士臣周長發

原品休致侍講學士臣楊椿

內閣侍讀臣蘇崇阿

國子監司業臣鶴年

翰林院編修臣柏謙

翰林院編修臣張映斗

翰林院編修臣朱荃

翰林院編修臣朱佩蓮

翰林院庶吉士臣章愷

內閣中書臣吳麟

古香齋新刻袖珍資治通鑑綱目三編總目錄

第一卷 凡五年

起戊申元順帝至正二十八年明太祖洪武元年盡壬子明太祖洪武五年

第二卷 凡十四年

起癸丑明太祖洪武六年盡丙寅明太祖洪武十九年

第三卷 凡十二年

起丁卯明太祖洪武二十年盡戊寅明太祖洪武三十一年

第四卷 凡十一年

起己卯明惠帝建文元年盡己丑明成祖永樂七年

第五卷 凡十六年

起庚寅明成祖永樂八年盡乙巳明仁宗洪熙元年

第六卷

凡十八年

起丙午明宣宗宣德元年盡癸亥明英宗正統八年

第七卷

凡十三年

起甲子明英宗正統九年盡丙子明景帝景泰七年

第八卷

凡十四年

起丁丑明英宗天順元年盡庚寅明憲宗成化六年

第九卷

凡十七年

起辛卯明憲宗成化七年盡丁未明憲宗成化二十三年

第十卷

凡十八年

起戊申明孝宗弘治元年盡乙丑明孝宗弘治十八年

第十一卷

凡十六年

起丙寅明武宗正德元年盡辛巳明武宗正德十六年

第十二卷

凡十四年

起壬午明世宗嘉靖元年盡乙未明世宗嘉靖十四年

第十三卷

凡十七年

起丙申明世宗嘉靖十五年盡壬子明世宗嘉靖三十一年

第十四卷

凡二十年

起癸丑明世宗嘉靖三十二年盡壬申明穆宗隆慶六年

第十五卷

起癸酉明神宗萬曆元年盡辛卯明神宗萬曆十九年

第十六卷

凡二十一年

起壬辰明神宗萬曆二十年盡壬子明神宗萬曆四十年

第十七卷

凡八年
起癸丑明神宗萬曆四十一年盡庚申明光宗泰昌元年

第十八卷

凡七年
起辛酉明熹宗天啟元年盡丁卯明熹宗天啟七年

第十九卷

凡九年
起戊辰明莊烈帝崇禎元年盡丙子明莊烈帝崇禎九年

第二十卷

凡七年有奇
起丁丑明莊烈帝崇禎十年盡甲申明莊烈帝崇禎十七年五月

古香齋新刻神珍資治通鑑綱目三編總目錄

古香齋新刻神珍資治通鑑綱目三編總目錄

申戊

起戊申元順帝至正二十八年五月
洪武元年盡壬子明太祖洪武五年
元順帝至正二十八年。○明太祖高皇帝春正月。吳相國李善長等尊吳王朱元璋為皇帝。國號明。

元璋先世家沛。徙句容。再徙泗州。父世珍。始徙濠之鍾離。母陳氏。元璋始生。室中數有光起。比長。姿貌雄傑。志意廓然。年十七。父母相繼歿。孤無所依。乃入皇覺寺為僧。至正十二年。從郭子興於濠州。子興奇其狀貌。留為親兵。戰輒勝。明年。收里中兵。得七百人。子興署為鎮撫。與徐達。湯和等略定遠。下滁州。得李善長。與語大悅之。留掌書記。十五年。子興卒。劉福通立韓林兒於亳。檄元璋為副元帥。不受。遂渡江。拔牛渚。下太平。取集慶路。以次畧定江左。二十四年。自立為吳王。建百官。遂降陳理。執張士誠。走方國珍。盡有淮南。浙東。江西。荆楚地。二十七年。命諸將北定中原。善長帥百官勸進。乃以是年春正月乙亥。祀天地於南郊。即皇帝位。建元洪武。

追尊祖考為皇帝

高祖考曰元皇帝。廟號德祖。曾祖考曰恒皇帝。廟號懿祖。祖考曰裕皇帝。廟號熙祖。考曰淳皇帝。廟號仁祖。妣皆皇

立妃馬氏為皇后。世子標為皇太子。

后。郭子興撫女也。仁慈有智鑒。好書史。帝既定江南。吳漢接境。戰爭無虛日。后手緝甲士衣履。佐軍。嘗言治天下。以不殺人為本。帝善之。既即位。欲官后族。后謝曰。爵祿私外家。非法。力辭而止。乃追封后父馬公徐王。修墓置廟。標。后長子也。

以李善長為左丞相。徐達為右丞相。

善長少習法家言。有智計。帝嘗從容問曰。四方戰鬪。何時定乎。對曰。漢高祖起布衣。諮達大度。知人善任。五載成帝業。今元綱既紊。天下土崩瓦解。公濠產。距沛不遠。山川王氣。公當受之。法其所為。天下不足定也。帝稱善。諸將來歸者。善長察其材。言之。帝復為帝布欵誠。使皆得自安。帝深倚之。自將征討。皆命居守。轉調兵餉。無乏。嘗請立茶鹽法。割酌元制。去其弊政。用益饒而民不困。帝稱吳王時。拜右相國。至是改官制。尚左。以為左丞相。

征南將軍湯和克福建。元平章陳友定死之。

友定守閩。帝命和由明州海道取福州。胡美由江西趨杉關。而別遣使至延平。招友定。友定置酒會諸將。殺使者。瀝血酒中。與眾酌飲之。誓以死守。已聞杉關破。急分軍為二。以一軍守福。而自帥一軍守延平。和舟師抵福之五虎門。蟻附登城。守將遁去。參政尹克仁。宣政使梁耳。麻不屈死。僉院柏帖木耳。殺妻女。縱火自焚。死。時胡美已克建寧。和遂進攻延平。友定欲以持久困之。諸將請出戰。不許。數請不已。友定疑其部將殺一人。軍士多出降者。曾軍器局災。城中駭聲震地。明師知有變。急攻之。友定呼其屬與訣。退入省堂。仰藥死。所部開門納明師。昇友定出水東門。未絕也。天大雷雨。友定復甦。械送京師。入見。帝詰之。友定厲聲曰。國破家亡。死耳。尚何言。遂併其子殺之。延平既下。興化。泉州。皆望風附。漳州。路達。魯花。赤迭。里彌。實自殺。時稱閩有三忠。謂友定。柏帖木耳。里彌。實也。

元削擴廓帖木兒爵邑。命丞魯李思齊討之。

元既奪擴廓帖木兒兵。分隸諸將。擴廓退軍澤州。元帝知擴廓勢孤。乃詔李思齊等。東出關。與高合攻擴廓。

而合關保以兵戍太原。擴廓憤甚，引軍據太原。盡殺朝廷所置官吏。於是元帝下詔削擴廓官爵，令諸將四面討之。

三月修女誡

帝謂翰林學士朱升等曰：治天下以正家為先。正家之道始於謹夫婦。后妃雖母儀天下，然不可俾與收事。嬪媵之屬，不過備職事。侍中、樞密、恩寵或過，則驕恣犯分。上下失序，歷代政由內出，鮮不為禍。惟智者能察之於未然。其纂述女誡及古賢后妃事，可為法者，使子孫知所持守。

夏四月，蘄州進竹篋，却之。

令四方無妄有獻。

征南將軍廖永忠取廣東

永忠自福州以書諭元行省左丞何真，曉譬利害。真即奉表迎降。永忠至廣州，降盧左丞、禽海寇邵宗愚。數其殘暴，斬之。廣人大悅。馳諭九真、日南、朱崖、儋耳。三十餘城皆納印請吏。又遣陸仲亨略定清遠、英德、連州、廣東。

悉平。

征虜將軍徐達常遇春大破元兵於洛水北。元梁王阿魯

溫以河南降。

徐達下山東，會遇春於濟寧，引舟師沂河，趨汴梁。守將李克彝走。左君弼、竹貞等降。遂自虎牢關入。元守將脫因帖木兒以兵五萬陳洛水北。遇春單騎突陳，元兵二十餘騎攔刺之。遇春一矢殪其前鋒，大呼馳入。元兵大潰，追奔五十餘里。梁王阿魯溫降。嵩、陝、陳、汝諸州次第略定。帝如汴梁，改為開封府。召徐達至行在，命率師北伐。諭之曰：中原之民久為羣雄所苦，故命將北伐。拯民水火，元祖宗功德在人。其子孫罔恤民隱，天厭棄之。君實有罪，民則何辜？前代革命之際，肆行屠戮，朕實不忍。諸將毋肆焚掠，安殺人。元之宗戚咸俾安全。庶幾上答天心，下慰民望。達頓首受命。帝尋還應天。

都督馮勝克潼關

師取河南。元李思齊、張思道會兵駐潼關。火焚思道營，思齊移軍胡盧灘。明師攻潼關，思齊奔鳳翔。思道奔郿。

六月平章楊璟克廣西

璟攻永州。元將鄧祖勝、敏兵固守。璟分營築壘，造浮橋，兩江急攻之。祖勝力盡，仰藥死。遂克永州。以次定寶慶、全州、道州、藍山。諸州賊進攻靖江，不下。璟謂諸將曰：彼所恃西濠水耳。決其堤岸，破之必矣。乃遣將殺守堤兵，盡決濠水。築土堤，五道傅城。攻兩月，會廖永忠、朱亮祖自廣東取梧州。定潯、桂、鬱、林、亮祖以兵來會。其總制張榮來約降。璟與之白帽為識。夜半，從寶賢門入。執元平章也兒古尼移師柳州。降兩江土官黃英、岑伯顏等。永忠亦定南寧、象州、廣西悉平。

秋閏七月，元復搆廓帖木兒官爵，命率師會諸將復河洛。

○明師克通州，元帝奔上都。八月，徐達入元都，元監國淮

王帖木兒不花死之。

徐達帥師發開封，遣裨將分道徇河北地。連下衛輝、彰德、廣平。次臨清，使傅友德開陸道，通步騎。顧時浚河，通

舟師。會常遇春已克德州，合兵取長蘆，扼直沽，作浮橋。濟師水陸並進，大敗元軍於河西務。進克通州，知樞密院事卜顏帖木兒力戰，被禽死之。元帝詔淮王帖木兒不花監國，以慶童為左丞相，同守京城。遂御清寧殿，集三宮后妃、皇太子、議避兵北行。左丞相失列、知樞密院事黑斯、宦者趙伯顏、不花以為不可，帝不聽。伯顏不花勸哭曰：天下者世祖之天下，陛下當以死守。奈何棄之？卒不聽。夜半，開建德門北去。達陳兵齊化門，將上填濠，登城入。淮王及左丞相慶童、平章迭兒必失、右實因不花、右丞相張康伯、御史中丞滿川等不降。殺之餘不戮一人。封府庫，及圖書寶物，令指揮張勝以兵千人守宮殿門。使宦者護視宮人妃主，禁士卒毋侵暴。吏民安堵。捷聞，詔示天下。以大都路為北平府，置六衛，留都督副使孫興祖守之。右丞薛顯、參政傅友德、巡古北諸隘口。

以應天為南京，開封為北京。○始建六部。

中書省初設四部，掌錢穀禮儀刑名營造之務。至是置吏戶禮兵刑工六部，設尚書侍郎等官。

大赦。

詔赦殊死以下。恤從征將士家。遺卒許自前。輸賦道遠者。官為轉運。災荒以實。聞避亂民。復業者。聽墾荒地。復三年。衍聖公襲封。及授曲阜知縣。並如前代制。有司以禮聘致賢士。毋非時決重囚。除書籍田器稅。貸通賦。蒙古色目人。有材能者。許擢用。錄寡孤獨廢疾者。存恤之。民年七十以上。復一子。他利害當興革。不在詔內者。有司具以聞。

帝如北京。○放元宮人。○江西行省參政陶安卒。

安博涉經史。帝渡江時。安首謁軍門。陳王道。吳元年。徵諸儒議禮。命安為總裁官。諸禮率多安所裁定。至是卒。追封姑孰郡公。

冬十月。帝還南京。○十一月。遣使訪求賢才。○十二月。徐

達克太原。元擴廓帖木兒走甘肅。山西平。

達既定元都。進取山西。常遇春先下保定。中山。真定。馮勝。湯和。下懷慶。度太行。取澤路。擴廓遣將來禦。戰於韓店。楊璟大敗。會元帝自開平。命擴廓復大都。擴廓乃引兵出雁門。由居庸以攻北平。達聞之。謂諸將曰。擴廓遠

出太原必虛。北平有孫都督。足以禦之。今乘敵不備。直搗太原。所謂批亢擣虛者也。彼若還救太原。進退失據。必成禽矣。諸將皆曰。善。乃率師趨太原。擴廓至保安。聞之。果還救。遇春謀於達曰。我騎兵雖集。步卒未至。驟與戰。必多殺傷。若夜襲之。可得志。達然之。會擴廓將豁鼻馬來約降。請為內應。達夜選精騎襲其營。擴廓方燃燭治軍書。倉卒不知所出。蹙一足乘驛馬。從十八騎遁。豁鼻馬降。得甲士四萬。遂克太原。乘勢收大同。分遣馬勝等。狗猗氏。平陽。絳州。禽其守將。榆次。平遙。介休。以次下。山西悉平。

明太祖高皇帝洪武二年春正月。立功臣廟。

帝親定功臣位次。以徐達為首。次常遇春。李文忠。鄧愈。湯和。沐英。胡大海。馮國用。趙德勝。耿再成。華高。丁德興。俞通海。張瑄。吳良。吳楨。曹良臣。康茂才。吳復。茅成。孫興祖。凡二十一人。立廟鷄鳴山下。死者像祀。生者虛其位。又以廖永安。俞通海。張德勝。桑世傑。耿再成。胡大海。趙德勝。七人配享太廟。

免山東。北平。山西。河南。及畿內諸郡田租。○倭寇山東。○二月。詔修元史。

大都既克得元十三朝實錄乃詔修元史以左丞相李善長監修前起居注宋濂漳州府通判王禕為總裁徵山林隱逸之士汪克寬胡翰陶凱曾魯高啓趙訪等十人為纂修閣六月書成而元統以後之史未備乃命儒士歐陽祐等往北平採遺事明年續修仍以濂禕總其事帝召元舊臣問元政得失馮翌對曰元有天下以寬得之亦以寬失之帝曰但聞寬則得眾未聞以寬失者也夫步急則躓弦急則絕民急則亂居上正當用寬元季君孰於逸樂其失在於縱弛實非寬也聖王之道寬而有制不以廢事為寬簡而有節不以慢易為簡適中則無弊矣

元丞相也速侵通州平章曹良臣擊走之

大軍徇山西北平守備單弱曹良臣遣州兵不滿千人也速將萬騎營白河良臣曰吾兵少不可與戰當以計走之乃於瀕河舟中多立赤幟巨十餘里鉦鼓聲相聞也速驚遁良臣出精騎逐北百餘里元兵自是不敢窺北

帝耕藉田三月徐達克奉元常遇春克鳳翔

元將李思齊據鳳翔張思道孔興脫列倍等駐鹿臺以衛奉元徐達兵入關思道遁去郭于興將輕騎直擣奉元守將棄城走御史桑哥失里郎中王可檢討阿失不花三原尹朱春俱抗節死遂收奉元路為西安府戶賦米三石民大悅遇春兵至鳳翔思齊奔臨洮

夏四月命博士孔克仁授諸子經

功臣子弟並令入學

馮勝徇臨洮李思齊降

時張思道弟良臣守慶陽徐達會諸將議所向皆曰張思道之才不如李思齊而慶陽易於臨洮請先慶陽達曰不然慶陽城險兵精猝未易拔臨洮西控羌戎北界河湟得之其人足備戰鬪物產足佐軍儲蹙以大軍思齊不西走則束手就降矣臨洮既克於旁郡何有遂度隴克秦州下伏羌寧遠入鞏昌遣馮勝徇臨洮思齊果降

五月朔日食御史中丞章溢卒

溢初應聘與劉基葉琛宋濂同至應天帝勞之曰我為天下屈四先生今天下紛紛何時定乎溢對曰天道無常惟德是輔惟不嗜殺人者能一之耳浙東設按察使以溢為僉事督饋餉平諸寇數有功帝即位與劉基並拜御史中丞時廷臣同帝意多嚴苛溢獨存大體受詔赴閩擇鄉兵行之處州遭母喪乞終制不許鄉兵既集再乞終制許之哀毀卒帝痛惜親撰文祭之

六月常遇春克開平元帝奔和林

遇春下鳳翔詔還備北平以李文忠副之帥步騎九萬敗元將江文清於錦州敗也速於全寧進攻大興州分千騎為八伏守將夜遁盡禽之遂拔開平元帝北走追奔數百里獲其宗王慶生平章鼎住等斬之凡得將士萬人車萬輛馬三千匹牛五萬頭薊北悉平

秋七月征虜副將軍鄂國公常遇春卒於軍詔李文忠領其眾

遇春帥次柳河川卒遇春沉鷲果敢善撫士卒摧鋒陷陣未嘗敗北雖不習書史用兵輒與古合嘗自言能將

十萬眾橫行天下軍中稱常十萬長於大將軍達二歲聽約束惟謹一時各將稱徐常喪歸帝用宋太宗喪趙普故事臨於龍江追封開平王諡忠武

八月元兵攻大同李文忠擊敗之

文忠會徐達攻慶陽行次太原聞大同圍急謂左丞趙庸曰關外之事苟柄於國專之可也遂出雁門敗元遊兵於馬邑禽其平章劉帖木進至白楊門大雨雪已駐營文忠令移前五里阻水自固元兵乘夜來劫堅壁不動費明敵大至以二營委之殊死戰敵疲乃出精兵左右擊大破之禽其將脫列伯俘戮萬餘人窮追至莽哥倉而還

定內侍官制

諭吏部曰內臣但備使令毋多人馭之之道當使畏法勿令有功有功則驕恣矣

封王顯為高麗國王○徐達克慶陽禽張良臣斬之陝西平

達自臨洮下蘭州襲走元豫王。盡收其部落。輜重。還出蕭關。克平涼。張思道懼。使其弟良臣守慶陽。而自奔寧夏。為擴廓所執。良臣以慶陽降。達遣薛顯受之。已而復叛。襲傷顯。達督兵圍之。良臣求救於擴廓。擴廓遣將攻原州。陷涇陽。為慶陽聲援。達遣馮勝扼驛馬關。敗其將。良臣被圍久。數出戰。不利。糧乏。絕。至煮人汁。凡泥嚙之。守者遂開門降。良臣父子俱投井。引出斬之。時元賀宗哲攻鳳翔。指揮使金典。與知府周煥。嬰城守。敵編荆為大箕。形如半筋。五人負之。攻城。矢石不能入。投藁焚之。輒颺起。乃置鉤。藁中。擲著其隙。火遂熾。敵棄箕走。復為地道。薄城。攻不已。會百戶王輅收臨洮降卒。還入城。共守。敵拔營去。眾欲追之。輅曰。未敗而還。誘我也。偵之。至五里坡。伏果發。還師。復圍城。眾欲走。輅叱曰。天子以城界我。豈可去耶。以輅所將皆新附。乃括城中。皆令守。持十五日。敵聞慶陽下。乃引去。

修禮書

明年書成各人明集禮

九月置中都

以臨洮為中都營城關宮殿如京師制

戊庚

冬十月詔天下府州縣皆立學

三年春正月遣徐達李文忠分道北伐

時元主尚在近塞。而擴廓犯蘭州。指揮于光力戰死。帝以達為大將軍。文忠及馮勝。鄧愈。湯和。副之。分二道出兵。達自潼關出西道。擣定西。取擴廓。文忠自居庸出東道。絕大漠。追元主。二月。文忠至興和。降其守將。進兵察罕。騰兒。禽元平章竹貞。次駱駝山。走平章沙不丁。次開平。降平章上都罕等。

吏部請謫有罪於僭崖不許

帝曰。前代謂僭崖為化外。以處罪人。朕今天下一家。若有風俗未淳。宜更擇良吏治之。豈宜居罪人耶。

二月追封郭子興為滁陽王。夏四月封子九人為王。

挾王秦。桐王晉。棣王燕。樞王吳。楨王楚。博王齊。梓王潭。杞王趙。檀王魯。從孫守謙王靖江。肅後改王周。

徐達大破元擴廓帖木兒於沈兒峪

達至安定。廣廓退屯沈兒谷。達進軍薄之。隔溝而壘。日數交戰。廣廓遣精兵千餘人。由間道劫東南壘。左丞胡德濟倉猝失措。軍驚擾。達親擊却之。德濟大海子也。達械送京師。而斬其下趙指揮等數人。以徇。明日。整兵奪溝。殊死戰。大破廣廓兵。禽郊王。濟王。及國公平章以下。文武僚屬千八百餘人。士卒八萬。廣廓僅挾妻子數人。奔和林。達遂自徽州南一百八渡。至略陽。克河州。德濟至京。雲棧攻興元。取之。鄧愈亦自臨洮進克河州。德濟至京。師帝釋之。而以書諭達曰。將軍效衛青不斬蘇建耳。獨不見穰苴之待莊賈乎。且將軍在軍中。誅之則已。今下廷議。吾且念其信州諸暨功。不忍加誅。繼自今。將軍毋事姑息。

元帝殂於應昌

詔諭之日。順帝子愛猷識里達臘立。

五月始設科取士

時以天下初定。令各行省遵奉三年。自後三年一舉。鄉試以八月會試。以二月。

李文忠克應昌。獲元買的里八剌。送京師。

文忠聞元主卒。督兵兼程進。圍應昌。克之。元嗣君愛猷識里達臘北走。獲其子買的里八剌。及后妃諸王官屬數百人。窮追至北慶州而還。道興州。禽國公江文清等。降三萬七千人。至紅羅山。又降楊忠。祖之衆萬六千餘人。

是月旱。六月。帝親禱於山川壇。越五日雨。

帝齋於西廡。皇后躬執爨。為農家食。太子諸王饋於齋所。帝素服草屨。徒步詣壇。席藁曝日中。夜臥於地。凡三日。詔省獄囚。命有司訪求通經術深明治道者。越五日大雨。

封買的里八剌為崇禮侯。

李文忠捷奏至。羣臣稱賀。帝命朝臣嘗仕元者勿賀。買的里八剌至京師。羣臣請獻俘。帝曰。武臣伐殷。用之乎。省臣對。唐太宗嘗行之。帝曰。是待王世充耳。若遇隋之子孫。恐不爾也。令以本服朝見。賜冠帶。母如皆朝中官。賜第龍光山。

立開中鹽法。

山西行省請令商人於大同倉入米一石太原倉入米一石三斗給淮鹽一小引商人鬻畢即以原引赴所在總之帝從其請召商輸糧而與之鹽謂之開中其後各行省邊境多召商中鹽以備邊儲計道里遠近自五石至一石有差

徙蘇松嘉湖杭民無業者田臨濠

凡四千餘戶給牛種車糧資遣之三年不征稅其後復徙北平山後民散處諸府縣又徙沙漠遺民屯田北平又徙江南民十四萬於鳳陽又徙山西民於滁和北平山東河南終洪武之世徙浙西及山西民於滁和北平山東河南終洪武之世徙民最多

秋七月 中書右丞楊憲有罪誅

憲有才辨裁決明敏然意刻深有不足於己者輒中傷之在中書欲盡易省中故事凡舊吏皆罷去更用已所親信者嗾侍御史劉炳劾罷丞相汪廣洋且請徙之廣南帝不從已復有所論劾帝覺其誣下炳獄炳吐實遂誅

冬十一月 大封功臣

進李善長韓國公徐達魏國公封李文忠曹國公馮勝宋國公鄧愈衛國公常遇春子茂鄭國公湯和等侯者二十八人已又封汪廣洋忠勤伯御史中丞劉基誠意伯越三日諸臣入謝帝賜坐華蓋殿從容論取天下之畧曰朕起鄉里本圖自全及渡江以來觀羣雄所為徒為民害張士誠恃富陳友諒恃強朕獨無所恃惟不嗜殺人存信義行節儉與卿等同心共濟初與二寇相持士誠尤逼近或謂宜先擊之朕以友諒志驕士誠器小志驕則好生事器小則無遠圖故先攻友諒鄱陽之役士誠卒不能出姑蘇一步以為之援向使先攻士誠姑蘇堅守友諒必空國而來吾腹背受敵矣及北定中原先山東次河洛止潼關之兵不遠取秦隴者以擴廓帖木兒李思齊張思道皆百戰之餘未肯遽下急之則併力一隅猝未易定故出其不意反旆而北燕都既舉然後西征張李望絕勢窮不戰而克然擴廓舊力抗不屈向合未下燕都驟與角力勝負未可知也

自正月至十二月 日中屢有黑子 詔求直言

四年春正月 李善長罷 以汪廣洋為右丞相 胡惟庸為左

丞

善長貌寬和而性伎刻。比進封大國，意稍驕。帝頗厭之，以疾致仕。初，帝嘗以吏事責善長，劉基言善長勳舊能調和諸將，帝曰：是數害君，君乃為之地耶？吾行相，君矣。基頓首曰：是如易柱，必得大木。若束小木為之，且立化。帝又嘗欲相楊憲，憲素善基，基力言不可。曰：憲有相才，無相器。夫宰相者，持心如水，以禮義為權衡而已。不與焉者也。帝曰：汪廣洋何如？曰：福淺殆甚於憲。又問：胡惟庸，曰：譬之駕，懼其債轅也。帝曰：然則無逾先生。對曰：基疾惡太甚，又耐繁劇，為之且孤上恩，天下何患無才。惟明主悉心求之，目前諸人誠未見其可。後憲惟庸廣洋皆敗，如基言。

以湯和為征西將軍，傅友德為征虜前將軍，帥師伐夏。

夏主明昇聽吳友仁計，不入朝。帝假道征雲南，不奉詔。且數寇與元，乃命將討之。和帥副將軍周德興、廖永忠等，以舟師由瞿塘趨重慶。友德帥副將軍顧時等，以步騎由秦隴趨成都。鄧愈督餉給軍。

二月，元平章劉益以遼東降。

夏六月，湯和、下重慶，夏明昇降。

詔置遼東衛，以益為指揮同知。未幾，元平章洪保、保馬彥、彥等謀殺益。右丞張良佐又殺彥、保。保走依納哈州。

帝之遣和、友德也，諭之曰：蜀人間我師西伐，必悉精銳。東守瞿塘，北阻金牛。若出不意，直擣階文門戶，既嚙腹心，必潰。兵貴神速，患不勇耳。友德疾馳至陝，集諸軍，聲言出金牛，而潛引兵趨陳倉，攀援岩谷，晝夜行，抵階州。敗其將丁世珍，克其城。蜀人斷白龍江橋，友德修橋以渡，破五里關，遂拔文州。趨綿州，漢江水漲，不得渡。伐木造戰艦，欲以軍聲通瞿塘。乃削木為牌，數千，書克階文、綿、日、月、投漢水，順流而下。蜀守者見之，皆解體。夏丞相戴壽等急分兵援漢州。未至，友德已破其守將向大亨於城下。援師膽落，友德迎擊，大敗之。遂拔漢州。廖永忠兵至瞿塘，阻鐵鎖橋，不得進。永忠密遣數百人持糗糧、水筒、舁小舟，踰山度關，出其上流。蜀山多草木，令將士皆衣青蓑衣，魚貫走崖石間。度已至，帥精銳出，墨葉渡。夜五鼓，分兩軍攻其水陸寨。水軍皆以鐵裹船頭，置火器而前。黎明，蜀人始覺，盡銳來拒。永忠已破其六寨，將士昇舟出江者，一時並發。上下夾攻，大破之。遂入夔府。明

日。和始至。乃分道進。永忠帥舟師直搗重慶。昇大懼。面縛銜璧。輿機。率官屬降於軍門。和等承制撫慰之。時友德進圍成都。身中流矢。不退。將士殊死戰。突其象陣。象反走。躡藉死者甚眾。遂降成都。分兵徇州邑。蜀地悉定。

秋七月以方克勤知濟寧府

克勤為治。以德化為本。不喜近名。曰。近名必立威。立威必殃民。吾不忍也。時詔民墾荒。闕三歲乃稅。吏不俟期。徵民輒棄田去。克勤稅如期。區田為九等。以等徵發。吏不得為奸。立社學。數百區。尊孔子廟堂。延名士為師。弟子數籍者。二千人。盛夏。郡將督民築城。克勤曰。民方耕。奈何畚鍤重困之。請之中書省。得罷役。會天旱。遂大澍。濟寧人歌曰。孰罷我役。使君之力。孰活我黍。使君之雨。使君勿去。我民父母。

封明昇為歸義侯

昇至京。羣臣請帝御殿受俘。如孟昶降宋故事。帝曰。昇幼弱。事由臣下。與昶異。免其伏地待罪之儀。授歸義侯。賜居第。

九月朔日食。設糧長。

詔以田多者為之。督其鄉賦稅。糧萬石。長副各一人。輸以時至。得召見。語合。輒蒙擢用。其後官軍兌運法行。而糧長不廢。科斂橫溢。滋為民害。其孱弱者復為勢豪所凌。就延逋負。率鬻產以償。遂至隕身喪家云。

冬十二月逮漢中知府費震尋釋之

震以賢良徵。為吉水知州。寬惠得民。擢知漢中府。歲凶。多盜。震發倉粟十餘萬石貸民。盜聞皆來歸。鄰境民亦爭赴。震令占宅。自為保伍。籍之得數千家。至是坐事被逮。帝曰。良吏也。釋之。以為牧民者勸。授寶鈔局提舉。

五年春正月置親王護衛指揮使司

每王府設三護衛。衛設左右前後中五所。所千戶二人。百戶十八。

遣翰林院待制王禕使雲南被執不屈死

元梁王把匝刺瓦爾密鎮雲南。大都不守。順帝北去。王歲遣使自塞外達。元帝行在。執臣節如故。夏既平。天下大定。帝以雲南僻遠。難進兵。而王所遣漠北使者蘇威。適為北平守將所獲。乃命禕齎詔。偕威往招諭。王待禕以禮。會元主遣脫脫徵餉雲南。知禕在王所。疑王有他意。脅以危語。王不得已。出禕見之。脫脫欲屈禕。禕叱曰。

天既訖汝元命。燭火餘燼。敢與日月爭明耶。我奉使遠來。豈為汝屈。遂自刎。梁王具衣冠敬之。

徙陳理明昇於高麗。

或告陳理明昇有怨言。帝曰。童孺輩言語小過。不足問。但恐為小人蠱惑。將不能保始終。宜處之遠方。則隙無自生。乃徙高麗。

遣徐達馬勝等分道征擴廓帖木兒。達軍敗績。勝敗元兵而還。

帝以擴廓數擾邊。命達為征虜人將軍。出居庸。趨應昌。勝為征西將軍。出金蘭。取甘肅。三月。達先遣都督藍玉。敗擴廓於土刺河。五月。擴廓與賀宗哲合兵。拒達於嶺北。達軍敗。死者數萬人。勝至蘭州。遣副將軍傅友德前驅。再敗元兵。拔其蕭。下亦集乃路。次別篤山。元岐王朵兒只班遁去。獲其平章長加奴等二十七人。友德復追至瓜沙州。斬獲甚眾。文忠至阿魯渾河。馬中流矢。指揮李榮以所乘馬授文忠。而自奪敵馬乘之。文忠殊死戰。遂破敵。追奔至稱海。椎牛饗士而還。

以鄧愈為征南將軍。討湖南廣西蠻。

辰澧蠻蠻作亂。帝命愈往討。以周德興。吳良副之。愈出澧州。討散毛。諸洞蠻。德興出南寧。討婪。鳳安。田。諸州蠻。良出靖州。討會同。五開。潭溪。古州。諸蠻。悉平之。

二月。安南陳叔明弒其王曰燿而自立。遣使入貢。却之。

叔明篡立。懼討。遣使入貢。以規朝廷意。主客曹已受表。主事曾魯取副封白尚書。詰使者曰。前王曰燿。今何驟更名。使者不敢諱。具言其實。帝曰。島夷乃狡。繪如。是。卻其貢。叔明復遣使謝罪。乃命以前王印視事。

置茶馬司。

戶部言。陝西四川茶。宜十取其一。以易番馬。從之。於是諸產茶地。設茶課司。定稅額。設茶馬司於秦。洮。河。雅。諸州。自稠門。黎。雅。抵。朶。甘。烏。思。藏。行。茶。之。地。五千餘里。西方諸部落。無不以馬售者。

三月。免京民役。

應天府言。運輸官物。悉役京民。帝曰。京民自開國以來。勞費倍於外郡。今兵革漸息。正當休養。命免其役。未幾。

又賜民絹一匹。

高麗國王遣子弟入國子學。夏六月作鐵榜。功臣。冬十一月納哈出寇遼東。十二月詔百官奏事啟皇太子。

古香齋新刻袖珍資治通鑑綱目三編卷一

古香齋新刻袖珍資治通鑑綱目三編卷二

起癸丑明太祖洪武六年盡凡十四年

六年春正月今天下府州縣官入覲

帝諭之日慈祥愷弟身之德也刻博殘酷德之賊也若偽為慈祥必無仁愛之實偽為愷弟必無樂易之誠爾等勉之

選道士供事郊壇

天地社稷山川香幣皆令司之

汪廣洋罷為廣東行省參政

時左丞胡惟庸專省中事廣洋無所建白故黜之

二月停科舉

帝初以官多關員舉人俱免會試赴京聽選又擇其年少俊異者張唯王輝等為翰林院編修又禁中文華堂

丑癸

建業命贊善大夫宋廉等為之師。帝政暇親品隲其文。日給光祿酒饌。每食。皇太子親王送為之主。歲時賜資甚厚。至是以所取多後生少年。有文無實。遂罷科舉。別令有司察舉賢才。以德行為本。文藝次之。其目曰聰明。正直。曰賢良方正。曰孝弟力田。曰儒士。曰孝廉。曰秀才。曰人本。曰耆民。皆禮送京師。不次擢用。而各省貢生。亦由太學以進。於是罷科舉者十年。

始命御史及按察使考察有司。○三月朔日食。○命徐達

帥師鎮山西北平。○復以魏觀知蘇州府。

觀知蘇州府。政化大行。課績為天下最。擢四川行省參政。以部民乞留。命還任。

夏六月。元擴廓帖木兒犯雁門。○秋七月。以胡惟庸為中

書右丞相。○九月。定有司季報歲報。

初。府州縣戶口錢糧。學校獄訟。每月具書於州縣。達州州達府。府達行省。類各中書。吏贖煩碎。而公私多糜費。又有司決獄。答五十者。縣決之。杖八十者。州決之。一百者。府決之。徒以上。具獄送行省。或州縣受賊。省府弄法。

出入輕重。文移駁議。動多淹滯。帝命中書省御史臺詳議。軍月報為季報。以季報之數。類為歲報。凡府州縣獄囚。依律斷決。毋俟轉發。其有違枉。御史按察使糾劾。天下便之。

冬十一月。潞州貢人參却之。

帝曰。人參得之甚艱。毋重勞民。往者金華。進香米。太原進葡萄酒。朕俱止之。國家以養民為務。奈何以口腹累人。

閏月。定大明律。

先是嘗頒律令。恐民不能周知。命大理卿周禎等為之直解。又令儒臣同刑官講唐律。日進二十餘條。至是重命刑部尚書劉惟謙詳定大明律篇目。皆準於唐。損益舊律。凡六百有六條。

七年春正月。遣將屯田西北。

時河南山東北平陝西山西及直隸淮安諸府。雖有屯田。尚未廣。乃命都督僉事王簡等分往諸省。經理屯務。明年。又命李善長朱亮祖俞通源撫諭諸屯。勸課農事。西北田野日闢。屯軍三分守城。七分耕作。人授田五十

賈甲

畝給牛種教樹植復租賦官畝稅一斗民以不困而軍餉益饒

遣總兵官吳禎巡海備倭

倭人頻入寇掠帝遣使往諭其王良懷良懷遣僧奉表入貢未幾寇掠如故乃以禎充總兵官都督於顯副之總江陰四衛軍出海至琉球大洋獲其兵船獻俘京師

二月朔日食○修曲阜孔子廟

立孔顏曾三氏學教其族人

三月方國珍卒

國珍以至正二十七年來降幕下士詹鼎為書辭乞哀甚至太祖憐而赦之促入朝授廣西行省左丞食祿不之官至是卒

夏四月都督藍玉拔興和

時元將脫因帖木兒守興和玉大敗其眾於白酒泉擒國公帖里密赤及官屬五十九人脫因帖木兒棄城走

六月汰北方府州縣官

帝以北方郡縣官稀事簡命吏部量減河南北平山東府州縣官三百八人

陝西兩電山西北平河南山東蝗詔蠲其租○秋七月李

文忠拔高州

斬宗王朶朶失甲禽承旨百家奴道奔至檀帽山擊斬魯王獲其妃及司徒答海俊

九月遣崇禮侯買的里八剌北歸○冬十一月定服制

貴妃孫氏薨較禮官定服制禮部尚書牛諒等奏儀禮父在為母服墓庶母則無服帝曰父母之恩也低昂若是不情甚矣命儒臣考定未濂等考古人論服母喪者四十二年願服三年者二十八人服期年者十四人帝曰三年之喪天下通喪人情所安即天理所在乃定制子為父母庶子為其母皆斬衰三年嫡子家子為庶母皆齊衰杖期五服喪制皆有升降書成命之曰孝慈錄頒天下

高麗李仁任弒其王顯

顯無子。以寵臣辛旽之子
禍為嗣。於是仁任立嗣。

八年春正月。詔天下立社學。

帝以郡邑皆有學。而鄉社之民未沾教化。
命有司更立社學。延師儒教民間子弟。

河決開封。

壞大黃寺堤百餘丈。集
民夫三萬餘人塞之。

二月帝耕藉田。○三月立鈔法。

時中外各置局鑄錢。有司責民出銅。毀器物輸官。煩以
為苦。而商賈沿元之舊。習用錢多。不使用錢。乃詔中書
省造大明寶鈔。其等有六。曰一貫。曰五百文。曰四百文。二
百文。二百文。一百文。每鈔一貫。準錢一千。銀一兩。禁民
間不得以金銀貨物交易。違者罪之。稅課錢
鈔兼收錢。什三。鈔什七。百文以下。止用錢。

賜德慶侯廖永忠死。

初韓林兒在滁州。帝遣永忠迎歸。應天至瓜步。覆其舟。
死。帝以答永忠。及大封功臣。帝曰。永忠戰鄱陽。忘軀拒

敵。可謂奇男子。然使所善儒生窺朕意。邀封爵。故止封
侯。而不公。後與楊憲相比。意誅永忠。以功大得免。至是
坐僭侈失人
臣禮。賜死。

夏四月罷營中都。

帝初欲如周漢制。建兩
京。至是以勞費罷其役。

誠意伯劉基卒。

基佐帝定天下。工謀畫。料事若神。暇則敷陳王道。帝以
比張子房。常呼先生。而不名。其見重如此。然性剛疾惡。
胡惟庸深忌之。初。既括間有隙地。曰談洋。為鹽盜藪。基
奏立巡檢司守之。奸民弗便也。合逃軍為亂。吏匿不以
聞。基令長子璉奏其事。不先白中書省。惟庸方掌省事。
怒。使吏訐奏。談洋地有王氣。基圖為墓。迫逐居民。以致
亂。基坐奪俸。帝初欲相惟庸。基不可。既而惟庸相。基憂
憤疾作。惟庸挾醫往視。飲其藥。如有物積腹中。遂篤。帝
遣使護歸。
居月餘卒。

五月遣中官趙成使河州。

自鈔法行西番馬至者少帝遣成齋羅綺及
巴茶往河州市之馬稍集中官奉使自此始

秋七月朔日食○詔百官奔喪母俟報○京師地震○八

月元擴廓帖木兒卒

自徐達敗後大軍不復出塞擴廓從其主徒金山卒於
哈刺那海之術庭其妻毛氏亦白經死帝嘗大會諸將
問曰天下奇男子誰也皆對曰常遇春帝曰遇春雖人
傑吾得而臣之吾不能臣王保保乃奇男子耳保保擴
廓小字也

九月遣湖廣參政吳雲使雲南為所殺

帝以雲南未下再遣使招諭會梁王使其臣鐵知院等
使漠北為官軍所獲帝釋之命與雲偕行知院等以已
奉使被執且得罪乃誘雲改制書詐為
元使者給梁王雲以死拒知院等殺之

冬十月改都衛為都司

帝初置各都衛指揮使司節制方面至是詔改為都指
揮使司凡都司十有二北平陝西山西浙江江西山東

四川福建湖廣遼東廣東廣西河南行都司三
西安大同建寧十五年增置貴州雲南二都司

十二月納哈出寇遼東指揮使馬雲葉旺擊敗之

帝以納哈出必內犯勅雲等預為備未幾果至見備禦
嚴不敢攻越蓋州至金州指揮葉旺先引兵扼河綠壘水
禽其驍將敵大沮沿柞河遁旺先引坑奔敵至伏四起
為墻沃以水經宿疑互如堅城旁設坑奔敵至伏四起
納哈山急趨連雲島遇冰城旁走悉陷穿中眾大潰雲
自城中出合兵追擊至畢栗河斬獲無算納哈出僅以
免

丙辰 九年春正月遣湯和帥師鎮延安

元將伯顏帖木兒為邊患帝以和為征西將軍防延安
秋七月伯顏帖木兒來犯和使傅友德破禽之降其眾

三月免近畿及山西陝西河南福建江西浙江北平湖廣

田租○夏六月改行中書省為承宣布政使司

浙江江西福建北平廣西四川山東廣東河南陝西湖
廣山西諸行省俱改為承宣布政使司罷行省平章政

事左右丞等官改參知政事為布政使置左右參政後又增置左右參議

秋七月朔日食。冬十一月下平遙訓導葉伯巨於獄殺之。

時以災異求直言伯巨上書畧曰臣觀當今之事太過於三曰分封太侈也。用刑太繁也。求治太速也。先王之制犬都不過三國之一。今秦晉燕齊梁楚吳蜀諸國無不連城數十。異時尾大不掉。然後削其地而奪其權。則必生觖望。願及諸王未之國。先節其都邑。減其兵衛。限疆理。以待封諸王子孫。割一時之節。其制萬世之利。莫先於此。臣又觀歷代開國之君。未有不以任德結民心。以任刑失民心者。今用刑多裁。自聖衷治獄之吏。趨承意旨。深刻者多功。平反者獲罪。雖剛定舊律。減宥有差。然有寬宥之名。未見寬宥之實。所謂實者。誠在上不在下也。古之為士者。以登進為榮。今之為士者。以濶跡無聞為福。以受玷不錄為幸。以屯田工役為必獲之罪。以鞭笞捶楚為尋常之辱。其始也。取天下之士。網羅摺摭。務無餘逸。有司敦迫上道。如捕重囚。比至除官。多以貌選。所學非所用。所用非所學。居官一有差跌。苟免誅戮。則必在屯田工役之科。率是為常。不少顧惜。此豈陛下

所樂為哉。誠欲人懼而不敢犯也。竊見數年來。誅殺亦不少矣。而犯者相踵。自今宜存大體。赦小過。昔者周自文武至於成康。教化大行。漢自高帝至於文景。始稱富庶。致治之道。固不可驟。今陛下切切於民俗澆漓。人不知懼。乃至令下而尋改。已放而復收。天下臣民莫知適從。其不稱陛下求治之心也。臣愚謂求治之道。莫先於正風俗。正風俗之道。莫先於守令。知所務。風憲知所重。今之守令。不過具文案。備照刷而已。風紀之司。不過聽訟讞獄而已。非所以使民遷善遠罪。為治之大者也。古者教士於學。後造遞升。論定後官。任官後爵。故成周得人為盛。今天下諸生升太學。考數月。遽選入官。臣恐其人未諳時務。上乖國政。而下困黎民也。開國以來。選舉秀才。不為不多。所任名位。不為不重。自今數之在者。有幾。此皆求治太速之過。書上。帝大怒曰。小子間吾骨肉。逮下獄。瘐死。

十二月遣元臣蔡子英歸和林。

子英元正中進士。察罕辟為參軍。累遷行省參政。元亡。從擴廓走定西。擴廓軍敗。子英單騎走關中。入南山。帝遣人繪形求得之。傳詣京師。至江濱。亡去。久之復被獲。械過洛陽。見湯和。長揖不拜。抑之跪。不肯。熱火焚其

鬚不為動其妻適在洛于英遊弗見至京授以官不愛
退而上書畧曰陛下以萬乘之尊坐匹夫之節不降天
誅反療其病易冠裳賜酒饌授以名爵陛下之量也乎
天地臣感恩無極非不欲自竭犬馬但名義所存不敢
輒渝初志自惟身本羣布知識淺陋過蒙主將知薦蹙
馬食肉十有五年愧無尺寸功以報國士之遇及國家
破亡又復失節何面目見天下士哉臣被獲以來日夜
思惟答往昔之不死至於今日分宜自裁陛下待臣以
恩禮臣固不敢賣死立名亦不敢偷生苟祿若察臣之
愚全臣之志禁錮南海畢其餘命則雖死之日猶生之
年帝覽書益重之館之儀曹忽一夜大哭不止八問故
日思舊主耳帝知終不可奪命有司送出塞從其故主
於和

十年春正月益秦晉燕三府護衛○夏四月遣鄧愈帥師

擊吐蕃破之

吐蕃川藏數剽貢使帝命愈為征西將軍偕都督同知
沐英討之分兵三道窮追至崑崙山俘斬萬計留兵戍
諸要害而還

五月詔韓國公李善長曹國公李文忠議軍國重事○六
月詔臣民言事實封達御前○秋七月始遣御史巡按州

縣

俾詢民間疾苦廉
察風俗申明教化

九月以胡惟庸為左丞相汪廣洋為右丞相陳寧為左御
史大夫

自楊憲誅帝以惟庸才可倚寵遇日盛獨相數年生殺
黜陟或不奏徑行內外諸司上封事必先關白四方躁
進之徒及功臣武夫失職者爭走其門饋遺金帛名馬
玩好不可勝數廣洋浮沉守位而已寧有才氣而性嚴
刻知蘇州徵賦苛急嘗燒鐵烙人號為陳
烙鐵以惟庸為權御史中丞至是拜大夫

冬十一月衛國公鄧愈卒

追封寧河王諡武順愈事母孝撫幼弟有
恩敬禮儒士簡重慎密有士君子之行云

十二月朔日食。○錄功臣子孫。

都督府錄丁忠等五百十人授指揮千戶有差。

十一年春正月封子五人為王。

椿為蜀王。栢湘王。桂豫王。橫漢王。植衛王。其後桂改封代。橫改封肅。植改封遼。

徵天下布政使及知府來朝。

命吏部課其殿最稱職無過者為上。賜坐宴。有過稱職者為中。宴而不坐。有過而不稱職者為下。不預宴。序立於門。宴畢然後退。

朝覲考覈自此始。

三月詔奏事毋先白中書省。○夏四月元愛猷識里達臘

卒。

子脫古思帖木兒立為帝。遣使往弔。白為文祭之。

秋七月蘇松揚台諸府海溢遣使賑恤。

未巳

十二年春正月始合祀天地於南郊。

帝以分祀天地情有未安。乃作大祀殿於圓邱壇址。合祀天地。

遣征西將軍沐英擊洮州番大破之。

洮州十八族番酋三副使等叛。據納麟七站地。帝命英討之。復命李文忠往籌軍事。英至洮州。舊城。遂遁去。追擊大破之。禽三副使等。築東籠山。置洮州衛。文忠言官軍守洮州。餉艱民勞。帝曰。洮州西控番戎。東蔽湟隴。漢唐以來。備邊要地。今番寇既斥。棄之不守。數年後將復為患。慮小費而忘大虞。豈良策哉。卒置衛守之。

平羌將軍丁玉擊松州番平之。

松州平。玉遣指揮高顯城之。遂併潘州於松州。置松潘衛。明年帝以松州遠在山谷。屯種不給。命罷之。未幾。指揮耿忠經略其地。言松州為番蜀要害地。軍衛不可罷。乃命復置。

夏四月給致仕官誥勅復其家。○秋七月以李文忠領大都督府事。○冬十二月賜汪廣洋死。

廣洋與胡惟庸同相。惟庸所為不法。廣洋知而不言。御史中丞涂節言劉基遇毒死。廣洋宜知狀。帝問之。對曰。無有。帝怒。責廣洋欺罔。貶海南。舟次太平。賜死。

徵元吏部侍郎伯顏子中子中飲鴆卒

子中初為建昌教授。江西盜起。授分省都事。使守贛州。而陳友諒兵已破贛。子中間道走閩。陳友定素知之。辟為行省員外郎。子中出奇計。收復建昌。浮海如元都。獻捷。累遷至吏部侍郎。持節發廣東。何真兵救閩。至則真已降於廖永忠。子中障馬求死。不得。折其一足。永忠釋之。乃變姓名浪迹江湖。問帝求之。不得。簿錄其妻子。子中竟不出。常齋鴆自隨。誓不復仕。至是。江西布政使沈立本言於朝。以幣聘。子中慨然曰。死晚矣。為歌七章。哭其祖父師友。飲鴆死。

申庚

十三年春正月胡惟庸謀反及其黨陳寧涂節等皆伏誅

惟庸貪賄弄權。無所畏忌。其定遠舊宅井中。忽生石筍。出水高數尺。決者爭言瑞應。又言其祖父塚上夜有光。惟庸益喜。自負有異謀。吉安侯陸仲亨自陝西歸。擅乘傳平涼。侯費聚奉命招降蒙古。無功。帝皆切責之。二人

懼。惟庸陰以權利脅誘之。令在外收輯軍馬。又與陳寧坐省中。閱天下軍馬籍。令都督毛驤取衛上劉遇賢。命魏文進等為心膂。太僕寺丞李存義者。太師善長弟。惟庸婿李倫父也。惟庸合陰說善長。善長驚悸。曰。爾言何為者。若爾九族皆滅。後十餘日。惟庸又令存義告善長。善長不能制。惟庸乃遣指揮林賢。下海招倭。與期會。又遣元校臣封績。致書稱臣於元。請兵為外應。事皆未發。會惟庸子馳馬於市。墜死。車下。惟庸殺輓車者。帝怒。惟庸請以金帛給其家。不許。惟庸懼。乃與御史大夫陳寧。中丞余節等謀起事。既而節見事不成。遂上變告。帝大怒。命羣臣更訊。誅惟庸。寧。以節本預謀。并誅之。善長。仲亨。置不問。

罷中書省改大都督府為五軍都督府

帝懲惟庸亂政。罷丞相。以政歸六部。分大都督府為中左右前後五府。征調則隸兵部。後復勅諭羣臣。國家罷丞相。設府部院寺。分理庶政。事權歸於朝廷。立法至為詳善。以後嗣君。毋得議置丞相。臣下敢以請者。實重典。

始南北更調用人

北平。山西。陝西。河南。四川。人。於浙江。江西。湖廣。直隸。用之。浙江。江西。湖廣。直隸。人。於北平。山東。山西。陝西。河南。

四川廣東廣西福建用之。廣西廣東福建人亦於山東山西陝西河南四川用之。考覈不稱職。及以事降謫者。不分南北。悉於廣東廣西福建汀漳江西龍南安遠湖廣郴州之地選用。

休英襲元將脫火赤於亦集乃路禽之。○三月燕王棣之

國。○夏四月命羣臣各舉所知。○五月雷震謹身殿。○詔

免天下今年田租。○六月雷震奉天門。

帝避正殿省衙。罷王府工役。

秋八月詔天下學校師生日給廩膳。○九月置四輔官。

帝以密勿論思不可無人。乃建四輔官。以四時為號。詔天下舉賢才。戶部尚書范敏薦耆儒王本等召至。告於太廟。以本及杜佑龔穀為春官。社敦趙民望吳源為夏官。秋冬官缺以本等攝之。俱兼太子賓客。位列公侯都督之次。勅以協贊政事。均調四時。既而敦等相繼罷。不坐事。誅此職遂廢。

冬十月安置翰林學士承旨宋濂於茂州道卒。

晉平

十四年春正月元兵侵邊命徐達禦之。

乃兒不花侵邊命達帥湯和等討之。獲全寧四部以歸。達仍鎮北平。自是每歲春出冬暮召還以為常。

定賦役籍。

詔天下編賦役黃冊。以一百十戶為一里。推丁糧多者十戶為長。餘百戶為十甲。歲役里長一人。董一里一甲之事。先後以丁糧多寡為序。錄寡孤獨不任役者。附十甲後為畸零。每十年有司更定其冊。以丁糧增減而升降之。二十年復命國子生分行州縣。隨糧定區。區設糧長四人。量度田畝方圓。次以字號。編類為魚鱗圖冊。黃冊以戶為主。魚鱗冊以土田為主。魚鱗冊為經。土田之訟資焉。黃冊為緯。賦役之法定焉。

三月赦。○秋九月遣傅友德征雲南。

以友德為征南將軍。藍王沐英副之。步騎三十萬。

冬十月朔日食。○制法司錄囚。會翰林春坊官。給事中。集議以聞。○十二月。令翰林春坊官。考驗諸司章奏。○傳友德下曲靖。元梁王把匝刺兀爾密死之。雲南平。

大軍由辰沅趨貴州。克普定。普安。梁王遣司徒平章達里麻。將兵十餘萬。屯曲靖以備。沐英謂友德曰。彼不意我師深入。若倍道疾趨。出其不意。破之必矣。友德是之。遂進師。未至曲靖數里。忽大霧四塞。衝霧行。阻水而止。則已臨白石江矣。霧霽。達里麻大驚。友德欲渡。英曰。我兵疲。恐為所扼。乃帥諸軍。嚴陳。若將渡者。而奇兵從下。流濟。出其陳後。張疑。撒山谷間。人吹一銅角。元兵驚擾。莫急。鹿軍渡江。鐵騎擣之。生禽達里麻。俘獲萬計。友德自率眾擊烏撒。分遣藍王沐英趨雲南。梁王聞敗。度不能支。乃走普寧州。之忽納。藍王妻于赴滇池死。與其左丞達的右丞驢兒俱自殺。師至雲南。右丞觀音保以城降。屬郡皆下。友德擊破烏撒。蠻遂城之。又克七星關。以通畢節。於是東川。烏蒙。芒部。水西。諸蠻皆望風附。明年春。藍王沐英進攻大理。拔之。禽其酋段世。分徇鶴慶。

戊壬

麗江金齒皆下。雲南悉平。

十五年夏四月。殺大理寺卿李仕魯。

帝頗好釋氏教。詔徵東南戒律僧。數建法會於蔣山。應對稱旨者。輒召入禁中。賜坐講論。時寄以耳目。諸僧怙寵。請為釋氏創立職官。於是設左右善世。闡教等。皆高其品秩。道教亦然。仕魯疏言。陛下方創業。意指所向。即示子孫。萬世法程。奈何舍聖學。而崇異端。章敷上不聽。仕魯性剛介。以闢佛自任。及言不見用。遂乞骸骨。置笏帝前。帝大怒。命武士摔搏之。立死階下。

免畿內。浙江。江西。河南。山東。田租。○置錦衣衛。

初置拱衛司。管領校尉。三年。改為親軍都尉府。而設儀鸞司。隸之。至是罷儀鸞司。改置錦衣衛。

五月。帝詣國子監。釋奠於先師。

帝初以應天府學為國子學。至是改學為監。分六堂。以館諸生。厚給廩餼。歲時賜布帛。文綺。諸令節。俱賞節錢。流廣平府吏王允道於嶺南。

允道請開磁州鐵冶。帝曰：朕聞治世無遺賢，不聞無遺利。今軍器不之，若復設此，必重擾民。杖之流海外。

秋八月復行科舉

三年一行為定制。時雖復行科舉，而監生與薦舉人才參用者居多。嘗擢監生劉政等六十四人為布政按察使，及參政副使等官，或用為御史給事中，而薦舉之途尤廣。賢良郭有道秀才范敏曾奏稅戶人才鄭沂儒士趙槩皆起家為尚書，其他由布衣登大僚者不可勝數。

皇后馬氏崩

后勤於內治，暇則講求古訓，以宋多賢后，命女史錄其家法。胡文省覽，或言宋過仁厚，后曰：過仁厚不愈於刻薄乎？帝前殿決事，或震怒，后伺帝還宮，輒隨事微諫。帝為緩刑戮，帝幸太學，還后問生徒幾何，帝曰：數千。后曰：人才眾矣，諸生有廩食，妻子何所仰給？帝遂立紅板倉，積糧賜其家。諸將克元都，俘寶玉至，后曰：元有是而不積糧，賜其家，諸將克元都，俘寶玉至，后曰：元有是而不能守，意者帝王自有寶歟？帝曰：后意謂得賢為寶耳。后拜謝曰：誠如陛下言。疾亟，帝問所欲言，曰：願陛下求賢納諫，慎終如始。子孫皆賢，臣民得所而已。崩年五十一。

九月葬孝慈皇后。○選僧侍諸王。

高后崩，諸王奔喪，將還，帝命各以一僧與之，令誦經修佛事。吳僧道衍名在燕府籍中，見燕王棣，即深相納，數以奇謀進，棣甚信任之。

冬十一月置殿閣大學士。

以禮部尚書邵質為華蓋殿大學士，翰林學士宋訥為文淵閣大學士，檢討吳伯宗為武英殿大學士，典籍吳況為東閣大學士，又置文華殿大學士，徵耆儒鮑恂、余詮等為之，以輔導太子。秩俱正五品，當是時，以翰林春坊詳看諸司奏啟，兼司平駁大學士，特侍左右，備顧問而已。

十六年春二月，始令天下學校歲貢士於京師。○三月，傅友德師還，命沐英留鎮雲南。○復鳳陽臨淮二縣民世世無所與。○秋八月朔，日食。

十七年春三月，曹國公李文忠卒。

甲子

癸亥

文忠器量沉宏常師事金華范祖幹胡翰通曉經義其釋兵家居恂恂若儒者帝雅愛重之卒追封岐陽王諡靖武

秋七月禁內官預外事勅諸司毋通內官監文移○盱眙人獻夫書誅之○冬十月河南北平水遣使賑之○閏月詔天下罪囚刑部都察院詳議大理寺覆讞奏決十八年春二月雷電雨雪詔臣民極言得失○太傅魏國公徐達卒

達言簡慮精屢為大將善指揮與下同甘苦士無不感思效死尤嚴能步伍所平大都一省會三郡邑百數間非宴然歸朝之日單車就舍延禮儒生談議終日在帝前恭敬若不能言帝嘗稱之曰受命而出成功而旋不矜不伐婦女無所愛財帛無所取中正無疵昭明乎日月大將軍一人而已卒追封中山王諡武寧三月始選進士入翰林及為庶吉士

帝廷試進士擢一甲丁顯等為翰林院修撰二甲馮京等為編修吳文為檢討命進士觀政於諸司其在翰林院承教監中書六科者曰庶吉士在六部都察院諸司者仍稱進士永樂二年乃定制以庶吉士專屬翰林

秋七月遣使封高麗國王王禡

禡屢上表請襲爵并乞故王諡乃遣使封之賜故王顯謚恭愍

冬十月頒大誥於天下

帝患民狃元習徇私滅公乃輯官民過犯條為大誥其目有十頒學宮以課士里置塾師教之因有大誥者罪減等其後復命刑官撮大誥條目要畧附載於律謂之律誥而大誥所載諸條令未嘗輕用云

十一月免河南山東北平湖廣田租○十二月平緬宣慰使思倫發叛

思倫發寇景東都督馮誠禦之天大霧官軍失利千戶王昇戰死

十九年夏六月詔有司存問高年

黃丙

貧民年八十以上。月給米五斗。酒三斗。肉五斤。九十以上。歲加帛一疋。絮十斤。有田產者。罷給米。應天鳳陽富民。年八十以上。賜爵社士。九十以上。鄉士。天下富民。年八十以上。里士。九十以上。社士。皆與縣官均禮。復其家。冬十二月朔日食。

古香齋新刻袖珍資治通鑑綱目三編卷二

古香齋新刻袖珍資治通鑑綱目三編卷三

起丁卯明太祖洪武二十年。盡凡十二年。戊寅明太祖洪武三十一年。

二十年春正月。以馮勝為征虜大將軍。率師討納哈出。

元太尉納哈出。擁眾數十萬屯金山。數寇遼東。帝以勝為大將軍。傅友德。藍玉為副。率師二十萬討之。遣前所獲元將乃刺吾還軍。次通州。聞元兵有屯慶州者。藍玉乘大雪。師輕騎襲破之。斬平章果來。禽其子不蘭奚。勝出松亭關。分築大寧。寬河。會州。富峪。四城。駐兵大寧。

焚錦衣衛刑具

先是有罪囚逮至京。收繫錦衣衛。用事者非法凌虐。帝聞之。怒。命取刑具悉焚之。出繫囚送刑部。詔內外獄咸歸三法司。

夏六月馮勝至金山納哈出降

乃刺吾歸見納哈出。述帝恩德。納哈出心動。遣使求獻馬。且覘軍勢。勝軍踰金山。降其部將全國。公觀童。納哈

出度不敵。因乃刺吾請降。勝遣藍玉往受之。納哈出以數百騎至。王大喜。飲以酒。納哈出酌酒酬玉。玉解衣。地顧其下。咄咄語。鄭國公常茂在坐。其麾下有解蒙古語者。密告茂。茂納哈出將遁矣。茂直前搏之。納哈出驚起。欲就馬。茂拔刀斫傷其臂。都督耿忠擁以見勝。納哈出將十餘萬。在松花河北。聞納哈出傷。驚潰。勝遣觀童諭降之。得所部二十餘萬人。還至亦迷河。復收其殘卒三萬。而餘眾散匿。尚數萬。都督漢英殿大軍還。碎為所乘。被執。引佩刀刺腹死。納哈出至京師。詔封海西侯。秋八月。召馮勝還。詔副將軍藍玉領其軍。

勝奏常茂激變。賊至關。曾有言勝多匿良馬。使闖者行酒於納哈出妻。求大珠異寶。王子死二日。強娶其女。失降附心。茂亦詐勝過。帝怒。收勝大將軍印。命就第。鳳陽奉朝請。而安置茂於龍州。九月。詔商稅毋定額。戶部言。天下稅課。視舊有虧。宜以洪武十八年所收為定額。帝曰。商稅多寡。歲有不同。限以定額。豈不病民。不從。

以藍玉為大將軍。帥師北伐。冬十一月。命湯和築瀕海城。備倭。

日本屢入寇。帝患之。謂和曰。卿雖老。強為朕一行。和請與方鳴謙俱。鳴謙。國珍從子也。習海事。帝訪以禦倭策。鳴謙曰。倭海上來。則海上禦之。耳。請量地遠近。置衛所。陸聚步兵。水具戰艦。若壘錯置。其間則倭不得入。人亦不得傳。近海民。四丁籍一。為兵。無煩客兵也。帝以為然。和乃度地。浙東西。置衛所。並海築城五十有九。選丁壯五萬人戍之。

戊辰

二十一年春正月。詔治有司匿災者罪。

青州饑。有司匿不以聞。詔逮治之。且著為令。

三月。沐英討思倫發。破走之。

思倫發寇定邊。眾號三十萬。英選騎三萬馳救。置火礮勁弩為三行。蠻敵百象。被甲翼以標槍。銳甚。英分軍為三。都督馬誠居前。都督同知審正左。湯昭右。英與將士約。有功者賞。退劔者斬。因乘風大呼。礮弩並發。象皆反。

走賊殊死。闕左軍少却。英登高望之。取佩刀命左右斬。帥首來。左帥見一人握刀馳下。恐奮呼衝突。大軍乘之。斬馘四萬餘。生獲象三十七。賊帥各被百餘矢。伏象背死。思倫發遁去。明年遣使入貢。麓川平緬遂平。

夏四月。藍玉襲破元脫古思帖木兒於捕魚兒海。獲其子

地保奴。

玉以大軍出大寧。至慶州。聞脫古思帖木兒在捕魚兒海。問道馳進。至百眼井。不見敵。玉欲還。定遠侯王弼曰。吾等提十萬眾。深入至此。無所得。何以復命。玉曰。然。令軍士穴地而鑿。毋見烟火。乘夜馳至捕魚兒海。黎明去。敵營八十餘里。時大風揚沙。晝晦。軍行無知者。敵不設備。弼為前鋒。大破之。斬太尉蠻子等。降其眾。脫古思帖木兒以其太子天保奴等數十騎遁。獲其次子地保奴。及妃主以下百餘人。官屬三千。男女七萬。馬駝牛羊十萬。奏捷京師。帝大悅。遣使齎勅勞玉。比之衛青。李靖云。

五月朔日食。六月。信國公湯和歸鳳陽。

帝春秋浸高。不欲諸將久典兵。未有以發也。和以間從容乞骸骨。帝大悅。賜鈔治第鳳陽。並為諸公侯治第。至

秋七月。以解縉為監察御史。

是第成。和築城海上。還卒妻。子陞辭。帝褒諭之。賜齎甚厚。

縉為中書庶吉士。甚見愛重。一日帝諭之曰。朕與爾義則君臣。恩猶父子。當知無不言。縉即日上封事。萬言略曰。臣聞命數改則民疑。刑太繁則民玩。國初至今。將三十載。無幾時不變之法。無一日無過之人。臣聞陛下勤根剪蔓。誅其姦逆矣。未聞褒一大善。始終勿替者也。或朝賞而暮戮。或忽罪而忽赦。陛下每多自悔之時。此由存養之功。少加密耳。若夫祀天宜復掃地之規。尊祖宜備七廟之制。奉天不宜為筵宴之所。文淵猶未備館閣之隆。太常非俗樂可肄。官妓非人道所為。禁絕倡優。易置寺闈。就戟輝陛。皆用俊良。勿與土木之工。勿貪四裔之地。減細縣。省冗官。痛懲法外威刑。永革京城工役。婦女非帷薄不修。母令逮繫。大臣有過。惡常誅。不宜加辱。近歲臺綱不肅。以刑名輕重為能事。以問囚多寡為勳勞。御史糾彈。皆承密旨。每聞上有赦宥。則必過為執持。意謂如此。則上恩愈重。此皆小人趨媚効勞之細術。陛下何不於輕重。推埋照之哉。陛下進人不擇於賢否。授職不量於輕重。惟埋照之夫。闕茸下愚之輩。朝捐刀鑽。暮擁冠裳。左棄篋篋。右締組符。雖曰立賢無方。亦盍枕

詢有德。古者善惡，鄉鄰必記。今互知之法雖嚴，而訓告之方未備。臣欲求古人治家睦鄰之法，若古藍田呂氏鄉約。今義門鄭氏家範，布之天下，世臣大族，率先以勸。將見作新於變，至於此屋，可封不難矣。臣聞地有盛衰，物有盈虛，而商稅之徵，率皆定額。既稅於所產之地，又稅於所過之津，何奪民之利如此密也。且多貧下之家，逃亡轉徙，無前日之生植，有前日之稅糧，或膏腴而稅反輕，瘠鹵而稅反重。此里胥之弊也。欲拯困而革弊，莫若行授田均田之法，兼常平義倉之舉，積之以漸。至有九年之食無難者，夫連坐起於秦法，孥戮本於偽書。今為善者，妻子未必蒙榮，有過者，里胥已陷其罪。况律以人倫為重，而有給配婦女之條，聽之於不義，則又何取夫節義哉。同寅協恭，相倡以禮。今內外百司，捶楚屬官，甚於奴隸，是使柔懦之徒，蕩無廉耻，甚非所以勵風節也。臣但知罄竭愚衷，急於陳獻，所奏略無次序。惟陛下垂鑒，書奏，帝稱其才，尋改為御史。

九月勅天下衛所屯田

歲得糧五百餘萬石

冬十月元脫古思帖木兒為其下所殺

脫古思帖木兒既遁，將依丞相咬住於和林。行至土刺河，為其下也速迭兒所襲，眾遂散。獨與十六騎俱，咬住來迎，欲共往。依闊帖木兒會大雪，不得發也。速迭兒兵猝至，搃殺之，并殺天保奴。自脫古思帖木兒五傳至坤帖木兒，咸被弑，不復知帝號。有鬼力赤者，篡立，稱可汗，去國號，遂稱鞬云。

十二月安南黎季犛廢其王煒尋弑之

陳叔明立三歲，傳其弟煒。煒死，弟犛代立。其相季犛竊柄，廢煒殺之。立叔明子日焜。主國事。

二十二年春二月禁武臣預民事。湖廣千戶夏得忠作

亂靖寧侯葉昇討之得忠伏誅

得忠誘九溪洞蠻為寇，昇同胡海等討之。潛兵出賊後掩擊，擒得忠，斬之。置九溪永定二衛。

夏五月置泰寧柔顏福餘三衛

三衛地為兀良哈。在黑龍江南。元大寧路北境。元遼王等內附。帝即其地置三衛。俾部長各領其眾。互為聲援。自錦義歷廣寧。至遼河。曰泰寧。自全寧。抵喜峯口。近宜府。曰柔顏。自黃泥窪。逾瀋陽鐵嶺。至開原。曰福餘。皆柔

顏地險而強。

秋九月朔日食。

二十三年春正月命晉王櫛燕王棣帥師北伐。

命傅友德等以北平兵從燕王王弼等以山西兵從晉王征咬住及乃兒不花。

河決歸德。

決歸德東南鳳池口徑夏邑永城諸縣發十衛士卒與歸德民并力築之及秋又火開封。

三月燕王棣至迤都元太尉乃兒不花等降。

棣出古北口偵知乃兒不花營迤都冒大雪馳進去敵一積先遣指揮觀童往觀童故善乃兒不花至則相持泣頃之大軍壓其營乃兒不花驚欲遁觀童止之引見棣賜酒食慰諭遣還乃兒不花喜過望遂偕咬住等來降二十五年命元降軍赴北平聽燕王調用棣兵自此益強。

夏四月潭王梓自焚死。

梓英敏好學嘗會府僚設醴賦詩品其高下而贊予之如於氏都督顯女也顯與子瑛坐胡惟庸黨誅梓不自懼與其妃自焚死。

閏月詔期服不得奔喪。

初百官聞祖父母伯叔兄弟喪俱奔赴吏部言一人或連遭五六期服或道路數千里則居官日少更易繁數曠官廢事莫此為甚請自令期年服不許奔喪從之。

五月以楊靖為刑部尚書。

靖鞠一武弁門卒檢其身得大珠僚屬驚異靖徐曰偽也安有珠大如此者立碎之帝聞歎曰靖此舉有四善焉不獻朕以求容悅一也不究其所投獻息大獄二也為不誤門卒杜小人僥倖三也千金之珠粹然至前斥以之智應變之才四也。

賜韓國公李善長死。

先是善長弟存義安置崇明善長不謝帝銜之至是善長年七十七老不檢下嘗欲營第從信國公湯和假衛

卒三百人。和以聞。四月。京民坐罪。應徙邊。善長數請免其私親。丁斌等帝怒。按斌斌故給事。胡惟庸家。因言存義等往時交通。惟庸狀命逮存義。鞠之。詞連善長。於是御史交章劾善長死。并殺其家屬七十餘人。子祺尚臨安大臣。遂賜善長死。并殺其家屬七十餘人。子祺尚臨安公主。免死。徙江浦。吉安侯陸仲亨。延安侯唐勝宗。平涼侯曹聚。南雄侯趙庸。河南侯陸聚。宜春侯黃彬。豫章侯胡美。榮陽侯鄭遇春等。皆同時坐。惟庸黨死。帝條列其罪。作姦黨錄。布告天下。既而虞部郎中王國用上言。善長與陛下同心。出萬死以取天下。勳臣第一。生封公。死封王。勇向公。親戚拜官。人臣之分極矣。藉令欲自圖不軌。尚未可知。而今謂其欲佐胡惟庸。使善長佐惟庸。事成。不遇勳臣第一而已。寧復有加於今日。且善長豈不知天下之不可倖取。當元之季。欲為此者。何限。莫不身為齏粉。覆宗絕祀。善長胡乃以衰倦之年。身蹈之也。凡為此者。必有深讐。急變。大不得已。或至相挾以求脫。禍。今善長子祺。托陛下骨肉親。無纖芥嫌。何苦而忽為此。若謂天象告變。大臣當災。殺之以應天象。則尤不可也。臣亦知善長已死。言之無益。願陛下作戒將來耳。

秋八月。詔母以吏卒充選舉。○九月朔日食。○冬十二月。

宋

罷天下歲織文綺

二十四年春三月朔日食。○夏四月封子十人為王。

儼為慶王。權寧王。梗岷王。懋谷王。松幹王。模濟王。溫安王。極唐王。棟鄂王。機伊王。

秋八月命皇太子巡撫陝西。○冬十月以馮堅為僉都御

堅。南豐縣典史。上書言九事。一曰。養聖躬。清心省事。以為民社之福。二曰。擇老成輔導。諸王使正色直言。以圖匡救。三曰。務農講武。屯戍邊圉。以備不虞。四曰。精選有司。旌別屬吏。使人勇於自治。五日。褒祀典。俾未俗有所興勸。六曰。省宦寺。以防內權。七日。調易邊將。以防外患。八曰。採廉能以懲貪。九曰。增關防。以革奸弊。書奏。帝嘉之。稱其知時務。達事變。又謂侍臣曰。堅言調易邊將。則未然。倘得趙充國。班超者。又何

十一月皇太子還京師。

二十五年春正月河決陽武

旁凌十州縣

夏四月皇太子標卒

謚懿文帝御東角門召對廷臣慟哭學士劉三五進曰皇孫正嫡承統禮也帝意遂決

建昌衛指揮使月魯帖木兒叛命藍玉討誅之

月魯帖木兒谷德昌會川諸番攻建昌轉攻蘇州玉遣四川指揮罷能討之至雙狼寨擒其將賊衆大潰月魯遁能督兵追捕進至打冲河又敗之月魯走相興州玉遣百戶毛海誘縛其父子送京師誅之盡降其衆

六月西平侯沐英卒

英沉毅寡言笑好賢禮士撫卒伍有恩未嘗妄殺在滇百務具舉簡守令課農桑舉屯田百餘萬畝滇池隘浚而廣之通鹽井之利以來商旅疎節濶目民以便安帝嘗曰使吾高枕無南顧憂者英之功也卒追封黔寧王諡昭靖子春晟昂和繼鎮雲南

秋七月高麗李成桂逐其君瑤而自立

初王禰欲寇遼東使成桂繕兵成桂遣兵屯艾州以糧不繼而退禰怒殺成桂之子成桂還瑤兵攻之因禰立其子昌未幾又廢昌而立瑤至是遂逐瑤而自立瑤出居原州王氏自五代傳國數百年至是絕是冬成桂請更國號帝命仍古號曰朝鮮

九月立孫允炆爲皇太孫。以方孝孺爲漢中教授。

孝孺少好學恒以明王道致太平爲己任十五年以吳沉薦召見帝喜其舉止端整謂太子曰此莊士當老其才禮遣還至是又以薦召至帝曰今非用孝孺時除漢中教授蜀王椿聞其賢聘爲世子師名其讀書之廬曰正學

冬十二月徵安陸知州余彥誠下吏尋釋之

彥誠以徵稅愆期逮州民揚公等伏闕乞留帝賜宴遣還公等亦預宴時帝操重典繩羣下守令坐小過輒逮繫其部民走闕下乞留旋遣還且加賞資有因以超擢者

二十六年春二月京國公藍玉以罪誅。

玉有勇畧。數總大軍。多立功。帝遇之厚。寢驚蹇自恣。多畜莊奴。假子。乘勢漁獵。當占東昌民田。御史按問。玉逐御史。北征還。夜扣喜峯關。關吏不即納。玉縱兵殺關入。帝聞之不樂。又有言其私元主妃者。帝切責玉。玉猶不悛。及西征。兼太子太傅。而馮勝。傅友德。俱兼太子太師。下懷。袂大言曰。我固不當為太師。耶。比奏事。多不聽。益怏怏。錦衣衛指揮蔣獻。告玉謀反。廷鞫之。獄詞云。玉與馮勝。侯張翼。普定。侯陳。景川。侯曹震。帥。臚。侯朱壽。東莞。伯何榮。及吏部尚書。齊。侯。戶部侍郎。傅友文等。謀為變。將伺帝出。藉田舉事。獄具。族誅之。列侯以下坐黨夷滅者。萬五千人。于是元功宿將。相繼盡矣。

三月命晉王。橐。燕王。棣。節制山西北平軍事。

詔二王軍中事。大者方以聞。宋國公。馮勝。穎國公。傅友德。並受節制。

夏四月。詔有司賑饑。毋俟報。旱。詔羣臣言事。理獄囚。

秋七月朔。日食。九月。以鄭濟為左庶子。王勳為右庶子。

初。東宮官屬缺。命廷臣舉孝義篤行之士。尚書嚴震直。以浦江鄭氏對。帝曰。朕素知鄭。更問其里。王氏力行。鄭氏家法。可用。以勵天下。濟勳遂並拜官。

戶部奏是歲天下戶口之數。

戶。一千六百五萬二千八百六十一口。六千五百四萬五千八百七十二。

二十七年秋八月。遣使修天下水利。

帝諭工部。陂塘湖堰。可蓄洩。以備旱澇者。皆因地勢修治之。乃分遣國子生。遍請天下。督修水利。凡開塘堰四萬九百八十七處。

冬十一月。賜穎國公傅友德死。

友德身嘗百死。自偏禪至大將。每戰必先士卒。以故所至立功。二十五年。友德請懷遠田千畝。帝不悅曰。祿賜不薄矣。復侵民利。何居。爾不聞公儀休事耶。及是竟賜死。未幾。定遠侯王弼亦賜死。

二十八年春正月。西平侯沐春討越州蠻。平之。

戊甲

亥乙

越州蠻阿資恃險屢叛春與都督何福率師營越州城北伏精兵道左以羸卒誘賊賊悉眾出伏起大敗之阿資亡山谷中春謂知所在樹壘斷其糧道已出不意擣其巢遂擒阿資斬之俘其黨越州平

二月賜宋國公馮勝死

帝春秋高多猜忌勝功最多數以繼故失帝意遂賜死諸子皆不得嗣

秋八月信國公湯和卒

和晚年益為恭慎入聞國論一語不敢外泄腰妾百餘病後悉資遺之所得賞賜多分遺鄉曲當時公侯諸宿將坐奸黨先後麗法稀得免者而和獨享壽考以功名終卒年七十追封東甌王諡襄武

九月頒皇明祖訓

詔後世有言更祖制者以姦臣論

子丙

二十九年春二月燕王棣帥師巡邊三月敗元兵於徹徹兒山又追敗之於兀良哈忒城而還○秋八月殺監察御

史王朴

朴性鯁直數與帝辨是非帝怒命戮之及市召還諭曰汝其改乎對曰陛下不以臣為不肖擢官御史奈何推辱至此使臣無罪安得戮之有罪又安用生之臣今日願速死耳帝大怒趣命行刑過史館大呼曰學士劉三吾志之某年某月日皇帝殺無罪御史朴也竟戮死

丑丁

三十年夏五月朔日食○秋八月沔縣吏高福興作亂征西將軍耿炳文討誅之○九月平緬蠻刀幹孟逐其宣慰

使思倫發詔沐春討之

刀幹孟攻騰衝思倫發走雲南帝命春與何福等討之先以兵送思倫發於金齒徵幹孟來迎不應乃遣何福等將兵五千踰高良公山直擣南甸大破之斬其酋刀名孟回軍擊罕寨賊憑高堅守官兵糧且盡福告急春帥五百騎救之乘夜渡潞江連破二寨幹孟乞降帝不許

寅戊

三十一年夏閏五月帝崩太孫允炆即位○葬孝陵○六

月詔省州縣汰冗員。○戶部侍郎卓敬請徙封燕王棣於南昌不聽。

敬密疏言燕王智慮絕人酷類先帝北平形勝地士馬精強金元所由興宜徙封南昌萬一有變亦易控制奏入翌日召問敬叩頭曰臣所言天下至計願陛下察之事竟寢。

召方孝孺為翰林院侍講。

帝好讀書每有疑即召孝孺講解臨朝奏事臣僚面議可否或命孝孺就展前批答之。

以齊泰為兵部尚書黃子澄為太常卿參預國事。

泰為兵部侍郎太祖嘗問邊將姓名泰歷數無遺又問諸圖籍中袖中手冊以進簡要詳密大奇之子澄初為東宮伴讀帝嘗坐東角門謂曰諸王尊屬擁重兵多不法奈何對曰諸王護衛兵僅足自守倘有變臨以六師其誰能支漢上國非不強卒底滅亡順逆之理異也帝即位遂命泰與子澄同參國政時燕周齊湘代岷諸王相煽動流言聞於朝帝謂子澄曰先生憶昔東角門之言乎對曰不敢忘。

秋七月周王橚有罪廢為庶人。

齊泰與黃子澄謀欲先圖燕子澄曰不然周齊湘代岷諸王在先帝時尚多不法削之有名今欲問罪宜先周周燕之母弟削周是剪燕手足也謀定入白帝會有言周王橚不法者遂命曹國公李景隆帥兵襲執之竄蒙化諸子皆別徙已復召還京錮之。

八月西平侯沐春卒於軍。

春在鎮七年大修屯政闢田三十餘萬畝鑿鐵池河灌宜良涸田數萬畝民復業者五千餘戶至是卒於軍詔何福領其眾。

冬十月熒惑守心。○十二月賜天下明年田租之半。○都

督何福擒刀幹孟斬之。

沐春既卒賊復懷詭福率兵討之擒斬刀幹孟思倫發始歸平緬。

以張壽為北平布政使謝貴張信為都指揮使。

古香齋新刻神珍資治通鑑綱目三編卷三

時燕王稱疾不出。廷臣謀削燕。乃更置守臣。使察其陰事。

古香齋新刻神珍資治通鑑綱目三編卷三

